

閩侯縣志卷二十二

風俗

漢書嚴助傳越方外之地習於水鬪便於用舟

林諤閩中記家庠序而人詩書宋呂祖謙治城詩路逢十客九青衿半是

讀書民以魚鹽為生

圖經病者好巫女率作同於男萬曆府志勤於治生田則夫婦並作按自

中戶以上尤好以婢執役

宋史地理志信鬼尚祠重浮圖之教宋黃幹文閩中塔廟之盛甲天下家

經孫詩城裏三山千簇土地偪陬雖磽确之地耕耨殆盡閩小記昔人

寺雲間七塔巖枝登萬曆府志厥土黑壤厥田中下宜稻畝歲再獲其高田間種麥

謝肇淛五雜俎新婦不帶星行恐犯天狗星嫁女三日父母家來餉食謂

之餽女三日後女偕婿省父母謂之回鸞案今謂之五月歸寧謂之取夏

衣 又閩俗于初屬續之時延巫置燈輪轉之男女環繞號哭謂之藥師

閩侯縣志 二二 風俗

樹死每七日則備一祭謂之過七至四十九日而止或有延僧作道場功

德者縉紳禮法之家不爾也死後朝夕上食至百日始罷葬則用鼓樂導

從更有惑于青鳥之說者停柩數十年不葬墳塋用三和土築之 又女

巫有習見鬼者言人人殊足徵詐偽又有吞刀吐火為人作法事者 又

俗當瘟疫之疾一起即請邪神奉事于庭惴惴然朝夕禮拜許賽不已曾

異撰紡綬堂集閩俗病瘟獨信巫謂謁醫必死雖至親亦懼傳染不相顧

問死亦不發喪按其神俗稱大帝像設凡五其貌猙獰可畏殿宇煥儼過

其前者屏息不敢諦視又傳五月五日為神生日前後月餘酬愿演劇各

廟無虛日即無疾之人亦皆奔走呼籲惟恐獲罪譴或疫氣流染則社民

爭出金錢延巫祈禱謂之禳災

曾子固道山亭記麓多傑木而匠多良能以屋室鉅麗相矜案商以家

設質庫及業齏者為上

歲時



元日祈年潔屋宇陳設酒醴焚楮帛以承靈貺少長序拜戚友相過賀市不列肆五雜組閩俗元旦不除糞土至初五日輦至野地取石而返云得寶旬日間挈筐楛往四郊墓祭清明重九亦然

游宦紀閩三山之俗立春前一日出土牛於鼓門之前傾城出觀云看牛則一蒨利市閩小紀會城迎春必於忠懿王廟前乞土作土牛始成明曹學佺詩馬從太守分驂去牛向前王乞土來是日啖春蔬春餅宋蔡襄詩春盤食菜思三九林迥詩青韭供盤餅面圓

上元張燈自十一日起至晦日止三十三夜尤盛影燈象人物花果禽魚裁繒剪紙及琉璃爲之廟刹駕鰲山玲瓏飛動又爲木架綵棚粧演故事謂之臺閣俳優百戲煎沸道路簫鼓喧闐至於徹夜又有昇木偶像搖兀而行謂之闖神前列長炬撻金伐鼓震耀耳目城市村鎮廟社俱有之每出或至爭道相競鬪時奉禁止

正月二十九日雜飴菓煮糜鋪之俗云食之却病五雜組是日謂之窈九

閩侯縣志 二二 風俗

二

以天氣常窈晦然也按方言亦云孝九相傳目蓮以是日供母天中記是日謂之窮九四時寶鑑高陽氏之子好衣敝食糜是日死世作糜粥破衣祝于巷曰除貧此乃其遺俗也

寒食踏青壺中錄閩中以二月二日爲踏青節

清明祀先祖屋檐插柳枝俗云以祓除不祥

上已懸薺菜於門褻飲

四月八日浴佛寺刹建龍華會

端陽自五月一日始人家懸蒲艾婦女繫續命絲佩符簪艾虎作粽午日書符作門帖浴蘭湯以蒲與雄黃入酒飲之並製雄黃爲筒燃于屋壁牀帳之上小兒則以其末塗耳鼻云避百毒尤尚競渡臺江西湖北湖及城內諸河皆有之而蘇岐尤盛

七月七夕婦女陳瓜果七盤茗椀爐香各七數云以祭七星奶

中元具酒饌獻祭祖先焚楮陌俗謂之燒紙衣節寺觀作盂蘭盆會五雜



組閩人最重中元節家家設楮陌冥衣具列先人號位祭而燎之女家具父母衣冠袍笏之類籠之以紗箱送父母家是月之夜家具齋餽餽楮錢延巫于市祝而散之以施無祀鬼神謂之施食

中秋十四夜士女登烏石山隣霄臺進香上有大鐵爐十一起夜燃石塔白塔燈

九日登高飲茱萸菊酒食九重標上插小旗

冬至州人不相賀春糯米搓爲丸及糰以祭祖

臘月二十四日祀竈五雜組俗謂竈神是夜上天以一家所行善惡奏于天也

除夕人家更春帖燃爆竹于庭以豚糕相遺曰餽歲祭百神曰分年設酒食聚飲曰傳歲卽飲屠蘇達旦不寐曰守歲子弟向家長拜慶曰辭年飯兼數日之炊曰宿歲飯又曰隔年陳吳中風土記人家各於庭中燃小薪於盆謂之燒火爆

閩侯縣志 二二 風俗

三

氣候

三山志燠不爲瘴寒不至返韓偓詩四序有花長見雨一冬無雪卻聞雷五雜組閩中無雪然間十餘年亦一有之按閩地草木四時不凋桃李冬花接孟春如一序蟄蟲遇晴暄率蠢蠢然動古所謂炎方也然近來亦隅然朔風凜冽霜威鋪瓦雪如碎米但不積耳而旗鼓二峯凝寒不化遙望若玉山或仲夏淫雨積旬人皆負纊